



Tillie Martinussen,  
Inatsisartunut ilaasortaq

Assilinerá: Aningaasaqarnermut Akileraartarnermullu Ataatsimiititaliaq

## **Akissut - § 37 nr. 101-2018 mittarfiliortiterinerni pilersaarutini pissutsit assigiinngitsut pillugit.**

Brevdato: 15-06-2018  
Sags nr. 2018 - 12177  
Akt id. 8020671

Inatsisartut suleriaasianni § 37 naapertorlugu mittarfiliortiterinerni pilersaarutini pissutsinut assigiinngitsunut atatillugu Naalakkersuisunut apeqquaqarputit. Apeqquutit uanga akisussaaffeqarfinnut akisassanngorlugu innersuunneqarpoq.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Mittarfiit sanaartornissaannut sinaakkutissatut atugassarititanut inatsisissatut siunnersuutit Aningaasaqarnermut Akileraartarnermullu Ataatsimiititaliamut suliarineqartussanngortinneqarsimanera aallaqqaasiullugu erseqqissaatigissavara. Ataatsimiititaliaq siunnersuummut isumaliutissiisummik saqqummiussissaaq, taamaammallu illit apeqquutit saqqummiussatit ataatsimiititaliap suliaata ilaanut qalleraasuunissaat ilimagineqartariaqassaaq. Taamaammatt apeqquutinut ukununnga akissutima assilineranik ataatsimiititaliamut nassiuassinissannut uannut pisinnaatippunga.

- 1. Peqarpa nalunaarusiamik, misissuineramik imaluunniit naatsorsuutiniq eqqortumik takutitsisunik mittarfiit pingasut aningaasalersornissaannut pilersaarut Kalaallit Nunaannut erniatigut nafferaatitigullu ukiumut qanoq akeqartassanersoq?  
- Taamaattoqanngippat taava Naalakkersuisut naatsorsugaat qanoq ippat?  
Misissuinerit imaluunniit naatsorsuutit suut tunngaviuppat?**

### Akissut:

”Mittarfiit annertusaavigineqarneranni inuiaqatigiit aningaasaqarnerannut sunniutaasussanik nalilersuineq, Alloriarneq 2” Deloittemit 2018-imi apriliimi Ineqarnermut Attaveqatigiinnermullu Naalakkersuisoqarfimmut suliarineqartoq apeqquutit uuma, apeqquutillu tulliuuttut akineqarnerani aallaaviuvoq.

Taamaasilluni nalunaarusiami tunngavigisat aallaavigalugit akissuteqaateqartoqarpoq. Nalunaarusiami aallaavigineqartunit misissuueqqissaarnerillu tunngavigineqartunit allaanerusunik mittarfeqarfeqarnikkut aaqquissuussinissaq Inatsisartunit aalajangiiffigissagaluarpat, aallaavigineqartut soorunami malunniutilimmik allanngorsinnaapput.

Mittarfiliortiterinernik suliniutini Kalaallit Airports A/S-imi (KAIR) nammineerluni aningaasaatit akiliutit 2,1 mia. kr-it, KAIR-ip nammineerluni niuerneramik toqqammaveqarluni sanaartornermi aningaasartuutissat sinneri taarsigassarsiarineqassapput.

Namminersorlutik Oqartussat nammineq aningaasaatinut akiliinermi  
taarsigassarsinissamik – qulaani aallaavigineqartut toqqammavigineqassappata  
- pisariaqartitsissanngillat. Taamaalillunilu Nunatta Karsia soorunami nammineq  
aningaasaatinut akiliuteqarnermini ernianik taarsersuutinullu akiliissanngilaq.

KAIR aningaasalersuinermit siunnersuinissamik Den Danske Bankimik  
isumaqatigiissuteqarpoq. Aningaaseriviup nunarsuarmi aningaasalersuisarfinni  
pilerinartumik aningaasalersuinissamik siamasissumik misissuinissaq  
suliassaraa. Nunatta Karsiata qularnaveeqquineratigut taarsigassarsivissamik  
ataatsimik arlallinnilluunniit pilerinartunik pissarsisoqarsinnaanera  
ilimagineqarpoq, inaarutaasumilli neqeroorut aatsaat kingusinnerusukkut  
mittarfinnik sanaartornissap akia tamakkiisumik ilisimaneqalerpat pissaaq,  
taamaaliornissamilu sanaartornissanut neqeroortitsineq toqqammaviusaaq.  
Ernianut taakkununga aningaasartuutit KAIR-ip missingersuutaanut  
ilaatinneqareerput.

**2. Pilersaarutit imaluunniit naatsorsuinerit misissuinerilluunniit  
Naalackersuisut innersuussutigisinnaavaat, naatsorsorneqarlutik  
isertitatigut nikerartoornermut pissutaasut mittarfiit arlallit ataatsikkut  
sanaisaannut atatillugu?**

**2 A) Naalackersuisut aningaasalersueriaatsinik allanik sunik  
nassaarniarnissartik takorloorpaat qulaani taaneqartut  
piviusunngussagaluarpata? Akitsuutit qaffallugit? Akileraarutit qaffallugit?  
Pisassiissutit qaffallugit?**

Akissut:

”Mittarfiit annertusaavigineqarneranni inuiaqatigiit aningaasaqarnerannut  
sunniutaasussanik nalilersuineq, Alloriarneq 2”-mi apequtit taakku Deloittep  
kapitalini 7-imi 8-milu qulaajaavigai.

Kapitali 8-mi maluginiakkanut naatsorsuutit arlallit suliarineqarput, tassa allatut  
naatsorsuinerit, tassani ilimagineqarnerpaatut toqqammavigineqartut  
assigiinngitsunik naatsorsuiffigineqarlutik.

Pissutsit makku maluginiagassatut naatsorsukkani ilaatinneqarput:

- Suliniummi piffissatut ilaatinneqartoq – aallaqqaammut ukiut 25-t,  
imaluunniit 30-it
- Ilaasut amerleriaataat – aallaqqaammut 2 %-mik amerleriarneq,  
imaluunniit 5 %-mik amerleriarneq
- Sanaartornermi aningaasartuutit – +/- 30 %
- KAIR-imit iluanaarutisiatut pissarsiarineqartut – +/- 30 %
- MITTARFEQARFIIT tapiissutisiasatut pisariaqartitaat – +/- 30 %
- Inuiaqatigiit aningaasaqarnikkut iluanaarutissaattut naatsorsuutigisat – 3  
% aamma 5 %-it akornanniittut (aallaavittut diskonteringsrenti 4 %-imut  
inissinneqarpoq)
- Billetinut sipaarutit – +/- 30 %
- Angalanermi piffissaq sipaagaq – +/- 30 %
- Ilaasussatut toqqammaviit – +/- 30 %

- Atlantikoq qulaallugu angalanerit inuiaqatigiinnut attuumassuteqartut – +/- 30 %

Qulaani naatsorsuinerit tunngavigineqartut ilimagineqartullu aallaavigalugit nalunaarusiami toqqammavigineqarput. Oqallisigineqaqqinnissaat tunngaviumik qaqinneqaqqissinnaavoq imaluunniit ilassutisineqarsinnaallutik. Taamasilluni nutaanik mittarfiliortiterinerni pilersinneqartut nassatarisaanik angallattut ataatsimut tamaat isigalugu ikilissagaluarpata ilanngullugit naatsorsorneqanngillat.

Malussarisutsimut naatsorsuutit amerlasuut taakku takorluukkat assigiinngitsut aningaasatigut kinguneqaataanut qanoq iluaqutaatiginerannut soorunami nassataqarput. Tunngaviumik takorluugaq soorunami aamma malussarisutsikkut naatsorsukkanik aamma sunnerneqarpoq. Taamaattoq takorluukkat assigiinngitsut ullumikkut aningaasangorlugu nalingat allannguuteqanngilaq.

**3. Aningaasarsionermut politikikkut tunngaviit suut tassa aningaasartuutit isertitallu oqimaaqatigiinnerat kiisalu aningaasartuutininik aqutsinerit - aamma attassisinnaassutsimut pilersaarutit - sorliit mittarfiit arlallit ataatsikkut sananissaannut siunnersuummi tunngavigineqarpat, taarsigassarsinissaq eqqarsaatigalugu aamma piffissami qanoq sivisutigisumi? ukiut sisamat, qulit, 20-t, 30-t?**

**3 A) mittarfiit arlallit ataatsikkut sananissaannut taamaallaat tunngatillugu.**

**3 B) Sanilliullugit kommunini angallannikkullu sanaartugassat pillugit pilersaarutinut allanut, soorlu illuliortiternissamut aamma inunnik isumaginninnikkut immikkoortumi kiisalu allanut aningaasartuutitalinnik taarsigassarsiniarnissanut naleqqiullugu?**

**3 C) Piumasaqaatit takku ataanni; mittarfiit arlallit ataatsikkut sananissaannut pilersaarut DAU-balancimut qanoq sunniuteqassava ukiuni tulliuttuni 25-ni?**

**3 D) Naalackersuisut isumaat naapertorlugu mittarfiit arlallit ataatsikkut sananissaannut atugassanik taarsigassarsineq pisortat siunissami allatigut taarsigassarsiniarnissaannut sunniuteqassava? - Taamaassimappat; taava misissuinerit nalunaarusiallu sorliit tassani tunngaviuppat? - Taamaangippat; taava misissuinerit nalunaarusiallu sorliit tassani tunngaviuppat?**

Akissut:

Apeqqutit 1-imut akissummut atatillugu oqaatigineqartut, nalunaarusiami aallaavigineqartunit misissueqqissaarnerillu tunngavigineqartut aallaavigalugit nunatta karsia KAIR-ip nammineq aningaasaataanut akiliuteqarnermut atatillugu taarsigassarsinissamut pisariaqartitsissanngilaq. Aningaasaqarnikkut politikimi oqimaaqatigiissitsinissaq taamaasilluni allanngortinneqassanngilaq.

KAIR-ip taarsigassarsiaasa suliffeqarfissuit pisortanit pigineqartut ataatsimut taarsigassarsiaasa annertussusaat soorunami sunnissavaa.

Taarsigassarsisitsisut suliffeqarfiit pisortanit pigineqartut pisortat ingerlataasa ilaattut isigissappasigit, KAIR-ip taarsigassarsinera taarsigassarsinnaanermut periarfissanut allanut tunngaviumik killiliinnaavoq, Naalackersuisut inatsisissatut siunnersuummi saqqummiussisutaani

paasissutissiissutigineqartut aallaavigalugit inuiaqatigiit aningaasanik killilikkanik ataatsimut taarsigassarsisinnanerat soorunami taamaallaat inuiaqatigiinnit kivinneqarsinnaammat.

Tamatumani ilanngullugu maluginiarneqassaaq Missingersuusionermet naatsorsuutillu pillugit inatsimmi § 6 najoqqutaralugu Naalackersuisut suliniummut taamaallaat taarsigassarsinissani qulakkeerinnissinnaammata atuisut akiliuteqarneri, pisortanit aningaasartuutit annikillisinneri imaluunniit sunniutit nassatarineqartunit isertitsissutigineqartut amerliariarnerinit minnerpaamik taarsigassarsiat erniaat aningaasalersorneqarsinnaappata aammalu taarsigassarsianik akilersuinerit ilanngullugit.

Tamanna oqaatigereerlugu ukiuni mittarfissat sanaartorneqarfigisaanni atulernerqarnerinilu pisortat aningaasaqarneranni oqimaaqatigiittoqarnissaanut kiisalu aningaasaqarnerup sukkavallaamik ineriartulersinnaanissaa ingalassimatinniarlugu, pisortat sanaartugassaanik annertuunik tunuarsimaartoqarnissaa Naalackersuisut pissusissamisoortutut isigaat.

- 4. Naalackersuisut ataatsimoortumik takussutissaqartinnerlugit - tassa takussutissaqartinnerlugu aningaasat katillugit qassit Kalaallit Nunaanni pisortaqaarfinni oqartussaaffiit akiitsorilersimaneraat imaluunniit pilersaaruteqarnerisut akiitsorilissallugit? Tassani eqqarsaatigineqarput kommunit, Namminersorlutik Oqartussat aamma pisortat tamakkiisumik pigisaat suliffeqarfiit taakkulu ataaniittut ingerlatseqatigiiffiit/ pigisat suleqataasut, taamaasilluni kikkut tamat takusinnaaniassammassuk pilersaarutaasut kiisalu maannakkut taarsigassarsiarineqarsimasut taakkulu akilersorneqarfissaat, kiisalu aningaasanut katillugit qassinut Landskarsi toqqaannartumik toqqaannangikkaluartumilluunniit qularnaveeqquisiisimansoq?**
- 4 A) Tassunga ilanngullugit ukiuni tulliuuttuni tallimani, qulini aamma 20-ni aningaasartuutissatut nalunaarutigineqarsimasut, pisortat qularnaveeqquisuliullugit imatut amerlatigisunut aningaasanut pissutigalugu angisuunik sanaartortitsinissanut pisortat akiliisussaananer at soorlu;**
- Nuummi paarnaarussivissamut nutaamut.
  - Kommunit kalerriutigeriigaannut sanaartugassanut tamanut aamma ukiuni aggersuni taarsigassarsiassanut soorlu illuliortiternissanut il.il.
  - Mittarfiit arlallit ataatsikkut sananissaannut aningaasaliissutissat sinaakkutaat aamma akilersuutissat.
  - Allat pilersaarutaasut pisortat qularnaveeqqusigassaattut aamma/imaluunniit sanaartugassatut pilersaarutaasut aningaasalersoriikkat, taarsigassarsiartaalu qularnaveeqquseriikkat imaluunniit taarsigassarsissunneqarsimasut?
  - Soorlu inissaqarniarnikkut kinguaattoorfioersut?

Akissut:

Naalackersuisut aningaasaqarnermet politiki ingerlataat missingersuutit oqimaaqatigiinnerannik toqqammaveqarpoq. Taamaammallu ukiuni aggersuni nunatta karsianut taarsigassarsiniartitsinissamut pilersaaruteqartoqanngilaq.

Taamattaaq kommunit aningaasanik ingerlatsinerat Missingersuutitut Naatsorsuutitnullu inatsit naapertorlugu ukiuni sisamani missingersuutitigut oqimaaqatigiittoqarnissaanik piunasaqaatinut aamma ilaatinneqarpoq. Qulaani taaneqartuttu inissianut inuussutissarsiutitigullu suliniutinut taarsigassarsinerit aatsiaat quisut akiliutaat il.il. taarsigassarsiat erniaannut taarsersuutaannullu tamakkiisumik matussusiinnaatillugit pisarnissaat toqqaannartumik piunasaqaataavoq.

Suliffeqarfissuarnut namminersorlutik oqartussanit pigineqartunut atatillugu ukiorpaalunni aalajangersimasumik politikiuvoq namminersorlutik oqartussat tamakkiisumik imaluunniit ilaannakortumik pigisaanut ingerlataanniluunniit taarsigassarsinissami Naalakkersuisut qulakkeerinnittuusassanngitsut. Ingerlatseqatigiiffiup suliffeqarfittut ingerlanneqarnerani sulianut attuumassutilinnik ingerlatsinerni ingerlatseqatigiiffiit siulersuisui akisussaasuummata, tamatumalu kingunerisaanik sulianik ingerlatsinerit nalinginnaasut aallaavigalugit ingerlatseqatigiiffiit sapinngisamik nalinginnaasumik toqqammaveqarluni ingerlanneqarsinnaaqullugit.

Mittarfiliortiterinernut atatillugu tamaattoq 2018-imut Aningaasaqarnermut Inatsisissami oqaasertaliussani Naalakkersuisut Inatsisartunit ilalernerqarlutik KAIR-ip taarsigassarsinissaani qulakkeerinnittuunissamik akuerineqarput. Qulakkeerinnittussaananermik akuersissummik tunineqarneq missingersuutitut inatsimmi piunasaqaatit taaneqartunik malittarinnittussaataitanermik nassaqarpoq.

Attuumassuteqannginnissamik periuseq naapertorlugu Naalakkersuisut soorunami suliffeqarfissuit aningaasalersuinerit pilersaarutaannik kiisalu aningaasalersuinnissamik pisariaqartitat nassatarisaannik siunissami ukiut 20-it angullugit atasunut takussutissanik pigisaqanngillat. Tamatumalu saniatigut takussutissiissut taamaattoq arlaannaatigulluunniit tutsuiginarsinnaanera qularnartutut oqaatigineqartariaqarpoq.

Naalakkersuisut namminersorlutik oqartussani, kommunini kiisalu aktiaatileqatigiiffinni pisortanit pigineqartuni taarsigassarsianik ataatsimoortunik nakkutilliipput. Taarsigassarsiat ineriartornerat kiisalu ukiuni aggersuni sisamani ineriartornissaannik ilimagisat naalakkersuinerit ingerlatsineq pillugu nalunaarusiani aningaasanullu inatsisinut nassuiaatini nalinginnaasuni tamanut saqqummiunneqartarput.

- 5. Naalakkersuisut naatsorsoreersimanerlugit aningaasartuutissat amerleriaataat, akileraarutit qaffannissaat allallu siunissami akileraartartunit akilernerqartussat, erniaat taarsigassarsiallu akilersorneqartussanngorpata?**  
**5 A) Qanoq ililluni tamanna nammatassaq eqqornerusumik innuttaasunut sulisinnaasunut ataasiakkaanut agguarneqarsinnaava? Tassa innuttaasut ataasiakkaat akileraarutit akqutugalugit qanoq angitigisumik ukiumut akileeataasassappat?**

Akissut:

Siuliani akissutit najoqqutaralugit suliniunmut taarsigassarsinissani piunasaqaataavoq inuiaqatigiit aningaasaqarnerannut suliniutip pitsaasumik

sunniuteqarnissaa. . Missingersuutitut sunniutitut atatillugu, tassa nunatta karsianut toqqaannartumik sunniutitut atatillugu, taava misissueqqissaarnerit maannamut ingerlanneqartut nunatta karsiata mittarfiliortiternernik pilersaarutip ingerlanneqarnerani pitsaanngitsumik sunnerneqarnissaa takutippaat. Suliniutillu atuunnerata tamarmiusup nalaani Kangerlussuarmut suluusalinnik timmisartuussinerit ingerlatiinnarneqarneqarneranni, aningaasanut inatsisini katillugit 100 – 200 mio. kr-nik nalilinnik tullerijaaareqqinnissaaq pisariaqassaaq.

**6. Nuummi, Ilulissani Qaqortumilu ataatsikkut timmisartunut mittarfiliorniarnernut atatillugu taarsigassarsiniarnerit qanoq angitigisumik erniatiguinnaq akilersuutitiguinnarlu nammakkersuutaassappat? Aamma ukiuni qassini?**

**6 A) Tamanna Kalaallit Nunaata BNP-anut naleqqiullugu qanoq annertugiva imaluunniit**

**6 B) Kalaallit Nunaata BNP-nut assigusumut naleqqiullugu?**

Akissut:

Pissutsit erseqqissuutinneqarnissaat siunertaralugu taamaallaat Nuummi ilulissanilu mittarfiliornissanut taarsigassarsinissaaq naatsorsuutigineqarnera oqaatigineqassaaq. 2018-mut aningaasanut inatsimmi Naalakkersuisut KAIR-ip taarsigassarsiaanik 2,0 mia. kr-it angullugit annertutigisunut qularnaveeqqusiinnaanermut piginnaatinneqarput. Taamaalillunilu aningaasat taakku suliniut tamakkerlugu taarsigassarsiarineqarsinnaasut annerpaaffissaanik takutitsisuupput.

Namminersorlutik oqartussani, kommunini aktiaatileqatigiiffinnilu namminersorlutik oqartussanit pigineqartuni mittarfiliortiternissanut pilersaarutit nassatarisaannik taarsigassarsiaat nutatta ataatsimut BNP-ata 41 %-ata missaattut annertutigissasut Aningaasaqarnermut Naalakkersuisoqarfiup missingiuppaa, tamannalu nunarsuarmioqatigiit akornanni annikitsumik taarsigassarsiaqarnertut taasariaqarpoq.

BNP nunatsinni aningasaqarnikkut ingerlatat nassatarisaanik ataatsimut nalituseriaatinut takussutissaavoq. Naatsorsueriaatsit teknikikkut qanoq ingerlanneqartarnerat il.il. erseqqinnerusumik paasisaqarfigerusukkaanni, tassani Naalakkersuisut Naatsorsueqqissaartarfimmut innersuussinissamik imminnut pisinnaatippat.

Ilanngullugu apeqqut nr. 1-imi akissut innersuussutigineqarpoq.

Inussiarnersumik inuulluaqqusillunga

Med venlig hilsen

Pele Broberg